

Academicae epistolae urbanae

Johann Sturm

AD SENAE TVM.



VIT QVONDAM
tribus præclara lau-
dibus Atheniensium
Respublica: nã
& bonis fuit à Solo
ne constituta legi-
bus: quarum domi
militiæq; autoritas esset: & militari uir-
tute floruit: in totiusq; Græciæ imperio
cum paucis aliquando excelluit: & lite-
rarum studiis, maximum nomen habu-
it: existimatumq; est, eam omnium ar-
tium inuentricem, & prope procrea-
tricem esse.

Sed bellicę uirtutis nomen, commu-
ne cum Lacedæmoniis habuit: cum
Philippo uerò & Alexandro, fortunã
habuit inferiorem: & tandẽ, quicquid
nominis erat, amisit. Et Solonis le-
ges partim ab ipsis prætoribus com-

A. ii

2

mutatæ Romæ sunt; & leges à Romanis sapientiùs fixæ, apud quos earum pars maior diutius culta est, quàm apud eos, à quibus translata Romam ad septemuiros erant.

Literarum uerò gloria: tot iam elapsis seculis, ex quo Athenæ euerse sunt; adhuc in ore omnium literatorum hominum est: & eo apud nos maior literarum honos; quo minus nos, quam illi, doctrina literarum possumus, quod uerò maius est, cum leges ciuitatis ferè omnes antiquatæ sint, tamē literarum monumenta præcipua, nobis tot post seculis sunt diuinitus relictæ: Poëtarum, Historicorum, Mathematicorum, Philosophorum.

Accertè si licet mediocria cum maximis cōparare, licebit mihi etiam de nostra ciuitate aliquid dicere: præsertim ad uos Patres cōscripti, qui ex præcipuis ordinibus estis, & iudicare potestis, uera ne sit uox mea ad laudem: an falsa & ad adulationem composita.

Licet

Licet autē mediocria cum summis componere, propterea quod uirtus in medio posita, & mortalitatē propter mediocritatem non extimescit, & diutius steterūt mediocres opes urbium, quam ingens populi & immanis potentia.

Et bella quidē maiores nostri ita gesserūt, ut sua solū tueri, aliena nō appetere uiderentur. & cum leges atque facultates à maioribus accepissent: leges emē datas, facultates auctas, ad posterōs & ad nos adhuc conseruarunt: & ita auctas facultates, ut frugalitate illæ potius & prudentia: quā ui aut armis comparatæ sint. & ita leges correctas, ut istud religionis potius norma, quā uoluntate impulsū fecerint. hanc rationē Deus, hanc mediocritatem ueritas, perpetuā esse uult: hanc immortalē, si quid natura sinat esse immortale.

Literæ in nostra urbe restabant, quas cōtenti puerili instituto, ut olim Romani, ab urbe Athenis: sic maiores

A iii

nostri à uicinis Academiis , eò liberis
uestris missis: maluerunt accipere, quã
domi perfectum aliquid institueret: ut
tunc ferebant tempora.

Nunc uerò uita, & moribus, & peri-
culis, & usu edocti: huiusmodi educa-
tionis atque doctrinę beneficia aliis im-
pertiri: quã ab illis accipere placitum
est: quæ quondam Atheniensium for-
tuna etiam fuerat.

Erat enim Athenis phanum Hercu-
lis, quod Cynosarges appellabatur, in
quo pueri spurii gratis alebantur. sed
non solum hi ibi educabantur: uerum
etiam ciuium liberi erudiebantur do-
ctrina literarum. Hoc in loco literarũ
erant scholæ, ante Academiam Plato-
nis, aut Stoicorum porticum, aut Ari-
stotelis lyceum: hoc etiam contenti lo-
co , nihil uisi sunt requirere perfe-
ctius.

Ita etiam uos, annos iam triginta du-
os classibus acquiescentes: satis & ue-
stris liberis prouisum esse , & exteris
com-

communicatum statuistis.

At ante biennium Cæsaris comparato beneficio: & noua Academia constituta: nobis quasi præscribere uideamini: quid classicis exercitationibus nos oporteat adiicere.

Itaque mihi commissæ est confectio Academicarum epistolarum: ut meo arbitrato: quid de Academia instituenta sentiam: id ad amicos epistolis explicem.

Atque hac in re uoluntatem uestrâ, atque consensum: pro re præclare gesta habeo: & militari uel triumpho antepono. Prælium enim cum primum commissum est, esse desiit: Lycei uerò alicuius, aut Stoæ, aut Academiæ constitutio: simul ac instituta est, esse incipit: & diuturnitatem pollicetur: & immortalitatem sperat: & quotidianos gloriæ fructus quotidianis laborum seminibus parit in æuum, dum mundus stabit, perpetuum.

Quamobrem quæ res mihi commissæ

A iiii

sa est, & à me suscepta, non ab ea digrediar: antequam totam eam uobis effectam attulero.

Et quanquam nihil ab iis scribam diuersum, quæ in libro de literarum ludis rectè aperiendis tradidit: tamē paulò altius ascendam: & longiùs progrediar: ut ex his appareat, quæ tum sperarim, quæ uē prouiderim.

Proponam uerò mihi florentissimas illas Athenas: quæ uno tempore & militiæ duces habuerunt clarissimos: & rerum gestarum explicatores summos: poëtas etiam excellentes: & oratores perfectos: & tribus in locis tres maximorum philosophorum familias: in Academiā, Stoa, & Lyceo: qui uiri, quam magni fuerint industria, diligentia, doctrina: indicio sunt libri illorum quos conscripserunt: & qui à Diogene Laërtio, & à Suida numerantur: & intelligi possunt ex reliquorum scriptorum autoritatibus.

Ac in huius, quicquid id futurum est:

est: scripti confectione: uos appellare
 atque mihi aduocare uisum est, ut ostē-
 dam hominibus, uos bonarum artium
 patronos esse: & quæ institui-
 mus, ac quæ facimus, id nos uobis autoribus
 suscipere. Valete. Argentorati.

AD SCHOLARCHAS:

HENRICVM MVLHEMIVM, CA-
 rolum Miegiū, & Fridericum
 Goteshemium.



MAGNUM NOMEN EST:
 magistrum artium libera-
 lium atque Philosophiæ
 appellari: & ipso Philoso-
 phi cognomento glorio-
 sius. Omnium enim rerum scientia, i-
 psæq; sapientia, propria Dei est posses-
 sio atque facultas: harum uerò rerum
 studiosum esse: semper honestum est
 habitum. Non excedit uerecundiæ fi-
 nes: qui ad omnium rerum limites co-
 natur aspirare, Itaque concessum est

A v

omnibus: naturam rerum perquirere:
 & omnia ea discere: quæ Physici tradi-
 derunt de mundo, & omnibus illius
 partibus, totoq; ornatu eius: de princi-
 piis etiam rerum, ex quibus omnia or-
 ta sunt: etiam ea cognoscere quæ de
 prima philosophia à magnis autori-
 bus sunt prodita: animum etiam alti-
 us eleuare: & formas rerum quasi à su-
 is abstrahere corporibus: & quicquid
 numerosum est, in doctrinam redige-
 re: quicquid figuratum est, eius figu-
 ram multiplicem partiri: modos etiam
 uocum per se considerare: & inter se
 componere, cœli motus annotare, at-
 que dispertiri. Denique quicquid
 Physici, primi sapientes tradiderunt:
 quicquid Mathematici: id nolle igno-
 rare: id industrii adolescentis, atque e-
 tiam boni senis officium est.

Neq; hæc solùm scire uelle laudabi-
 le est: sed etiam gloriosum ad uitã atq;
 ad mores traducere. ut non sola sede-
 at ea pars Philosophiæ quæ θεωρητική
 dicitur

dicitur: sed cū comite incedat sua, quæ
 περακτική est nominata, eamq̃ docebit,
 agros colere, uites plantare, pecudes
 alere, apes custodire, quæ omnia sibi
 agricultura arrogat, & huic non dissimilis
 quæ οικονομική dicitur. Arces sibi
 etiam hæc Pallas condet, & sacras ædes
 ædificabit, & theatra constituet,
 & cætera faciet ædificia, architectos-
 quæ erudiet. Etiam imperatores doce-
 bit exercitum conficere, tyrones ex-
 ercere, aciem constituere, urbes op-
 pugnare, prælia committere, quæ ar-
 tis sunt militaris. Neque enim Mi-
 nerua solū ex Iouis cerebro suum i-
 psa attulit cerebrum, uerum etiam ar-
 mata atq̃ hastata profiliit in lucem. Et
 cœlestis Urania Iouis etiam filia, non
 solum syderū situs, ortus, occasus, re-
 ditus, doctrina cōplectitur, quæ Astro-
 nomia dicitur: sed etiā medicos instru-
 et, etiam nautas docebit, quasi rerum
 euenta & signa, eosq̃ προρητικῶς facie-
 et, & Apollo ipse cum morborum
 causas

causas & remedia sciet. tū etiam Aesculapium docebit in primis, mortales à morbis atq; cruciatibus liberare. Hęc omnia naturæ sunt, & eorum qui Phisici nominantur. hæc scire, liberale atque ingenium est: hæc exercere fructuosum plerumque: sæpe necessarium hominibus.

Sed quoniam omnia hominum sunt creata gratia: non tantum corpus curandum est, (id quod medicorum est) sed multò magis animus est uirtute colendus: & bonis moribus ornanda mens est. Et præclarè Socrates, cum ab Archelao magistro suo, principia quædam & quasi semina de doctrina morum accepisset: ipse neglectam hanc doctrinam à Phisicis, ita Platoni & cæteris suis discipulis tradidit: ut & ipse Plato, & huius discipulus Aristoteles, cū aliis condiscipulis: literarum monumētis eam absoluerint; & nobis de officiis disputationes reliquerint: & leges explicarint; & rerum publicarū omnia gene-

genera exposuerint: & quasi doctores
extiterint Regum, Legumlatorum,
Magistratum, Iudicum. Hæc enim
omnia, ea ars quæ Ethice nominatur
consummauit: cuius potētissima pars
est Politice: quæ absque Oeconomice
non potest consistere. Partior enim
Ethicen: tum in ipsam Ethicen: tum in
Politicen: tum quam Oeconomicen
Plato & Aristoteles nominant.

Verum nullum genus rerum publi-
carum sanctius est quam Christiano-
rum: & nemo de ciuitate Dei melius
præcepit quam Theologi: itaque
quarta hæc species propria Theolo-
giæ est: & Doctores habet cum Deum
ipsum, tum Prophetas, tū Apostolos,
tum Euangelistas, tum eos qui patres
appellantur. quo genere doctrinæ, o-
mnes Philosophos superiorum ætatū,
omnem Academiam: atque Athenas
ipsas uincimus. Horum uera ethica est
morum disciplina: ignorata & septem
totius Græciæ sapientibus: & non co-
gnita

gnita Thaleti & Ionicis: neque à Pythagora atque Italicis intellecta, æque non notata à Socrate, neque ab iis qui Socratem secuti sunt: Academicis, Stoicis, Peripateticis animaduersa: eaque talis atq; tanta, ut nihil humanum & caducum: sed omnia diuina atq; immortalia esse appareant: & talia sint qualia esse uidentur.

Et quæ hæcenus cōmemorauī, propria sunt Academiæ nostræ, quam instituitis. Nam tertiam partem quæ sermonis est & linguarum & artis differendi atq; facultatis dicēdi: ita in classicis epistolis distribuimus, & ita coluimus: ut pene propria scholarū nostrarum sint, atq; habeantur.

Quomodo uerò illa superiora duo genera: quorū unum naturæ est, alterū morum, tradi ita possint: ut, cū omnia in scholis legi et explicari nō possint: tamen ab omnibus mediocriter intelligi atque teneri queant, quoniam istud munus mihi mandastis: exponere institui

tui Academicis epistolis, non ut leges feram cuiquam, sed ut meam sententiam aperiam, & suum cuique relinquam iudicium.

Atq; huius rationis conscriptio si vobis atq; Senatu placebit, assequar quod uelim in hoc tēpore. sin minus, tamen quia uestrum mandatum est, cōtra officium non faciam obseruantia: cuius satis firma defensio est cōtra impudentia: uituperationem. Valete.

CAROLO MIEGIO

CONSVLARI ET SCHOLARCHA.



QVONIAM INSTITVTVM Academię nostrę est, ut omnia, quoad animus humanus assequi possit, conemur docere: oportet nos præceptores omnia didicisse, id quod nondum adepti sumus. Neq; enim uideo quēquam nostrū istud sibi potuisse promittere, neq; ut sentio, promissis quis-

quisquam. aut si promisit, fecit id ma-
 gis studio & cupiditate: quam rei diffi-
 cilis & arduæ cognitione. Si quis
 Platonis libros omnes legat, aut etiam
 Aristotelis, Plutarchi etiam: quotus
 quisque est, qui non putet eos omnia
 audiuisse, interrogasse, cognouisse: at
 quot quantæue res iis defuerunt? Cre-
 do equidem, & uerum credo: si omni-
 um Philosophorum, siue Epicurei illi
 sint, siue Academici, cum ueteris tū
 nouæ Academiæ, siue Stoici: horum
 inquam omnium: atque cæterorum
 Græciæ totius sapientum si quis do-
 ctrinas cogat & redigat in ordinem: ta-
 men uidebit, eos potius omnia uoluisse
 quam potuisse: & magis partitos esse
 quam explicasse: quæcunque Phi-
 losophia profitetur. Et ut nihil aliud
 esset: certè nihil de Deo, nihil de munda-
 di creatione, nihil de natura hominis:
 nihil de hominum reditu in uitam di-
 cere potuerunt. Poëtæ Iouis filios au-
 si fuerunt, & filias nominare: at quan-
 tum

tum aberrarunt unâ cum Philosophis
 à veri filii uestigatione, ut de cognitio
 ne taceam. Iam in Phisicis atq; Mathe
 maticis posterioribus: multa inuenta
 sunt, quæ à primis sapientibus fuerunt
 ignorata. Et tamen si hæc ita sint: tamen
 quoniâ Philosophus unus omnia qua
 si profitetur: & id assequi omnes sunt
 moliti, ut omnia cognoscerent & tra
 derent: cur non nobis idem quod illis
 concessum sit: aut cur nos minus quâ
 illi possimus adipisci industria: an libri
 nobis defunt: an otium: an stipendia,
 aut facultates: an denique ingenium:
 quo si cedimus ueteribus, magis id sit
 corruptela disciplinæ, & ignauia no
 stra: quam naturæ facultate, cuius boni
 tas non minus Dei donum, & benefici
 um est: quàm frugum atque annonæ.
 Protulerunt sanè ætates, aliæ aliis &
 plures, & acutiores, & doctiores ho
 mines: ut anni etiam alii ab aliis supe
 rantur fertilitate. & habeant Arabes
 plures ingeniosos uiros, quam Germa

B

nia habeat: non tamen idcirco Dei tol-
lenda est benignitas: qui humane men-
tis est illuminator. Omne enim inge-
nium lumen: à Deo proficiscitur.

Itaque fuerint doctæ Athenæ: & flo-
ruerint ibi Poëtæ, Mathematici, Phi-
losophi: non tamen semper floruerūt
eodem modo. neque nobis idcirco
negatum est: quia illis istud ante nos
concessum fuit: & monumenta litera-
rum, nobis reliquerunt: quæ nos do-
cent, quot res & quantas illi doctrina
complexi sint: easq; intelligunt homi-
nes eruditi: & quantum primis additū
à posterioribus: & quantum postero-
ribus adiungi à nobis possit: sunt qui
considerant, & qui animaduertūt qua
uia ad hanc facultatem perueniatur.

Sed *συνὸν δὲ ἔρχομένῳ*, ut ille ait, *συζητήσας*
opuse est: & ut ille ait in re mala: ita nos
in bona loquamur: tradendæ nobis o-
peræ sunt mutuæ: ut si singuli omnia af-
sequi non possumus perfectè: tamen
assequamur mediocriter singuli singu-
la,

la. certa uerò unusquisque pro suo ingenio excolat: cætera, quoad poterit, attingat: & ex aliis suis collegis cognoscat: ut, quod singuli non habeant, id possideant uniuersi. Quamobrem si uos uelitis autores mihi & collegis meis esse: uos efficere possitis, ut artiũ & librorum, quos legamus, inter nos distributionem instituamus: ut paucis annis, non in libris atq; bibliothecis: sed in mente atque memoria, omnia inter nos & diuisa, & cognita, & acquisita possideamus: quæ quidem ueterum libris sunt conseruata. Partiantur igitur inter se Theologi, autores quos domi legant, siue Græci illi sint, ut Ecclesiastici sunt historici: ut Chrysostomus, ut Basilus, ut Nazianzenus, cæteri q; siue Latini, ut Tertullianus, Lactantius, Cyprianus, Hieronymus, Augustinus.

Idem faciant in suis scriptoribus Mathematici, & Physici. Ego ad dicendi præcepta, & ad Ciceronẽ atq; Demo-

sthenem: libenter hoc anno apponam
 Platonis & Aristotelis libros de Re-
 publica, & de legibus, & quæ illi de
 moribus tradiderunt. Idem alii elab-
 borent in historicis, & Poëtis: ut his in-
 structi, in congressionibus & sermoni-
 bus quotidianis: in disputationibus &
 scholis: in declamationibus rhetoricis,
 appareat: quot & quantas res mens hu-
 mana adipisci possit, si conetur: et si re-
 ctam rationem & uiam ingrediatur:
 quantos queat progressus facere ani-
 mus hominis: communicatis studiis:
 distributis laboribus: distinctis hora-
 rum spaciis: ratione denique ac uia mo-
 doque bono:

LAVRENTIO TV

PIO, DOCTORI IVRE

consulto.



REDO ET TIBI PERMO
 lestum esse, toties *Insti-*
 tutiones Iustiniani Impe-
 ratoris repetere: & iis qui
 te audiunt, iniucundum:
 nihil

nihil abs te præter Institutiones cognoscere. Atque etiam obficit laudibus Academicæ nostræ: tam paucos nos in nostro gymnasio Iuris habere interpretes. Scio sic à maioribus nostris constitutum fuisse: & idem retinuisse: nisi unum habere legum explicatorem: & creditum ab illis fuisse: Iuris studiosos dissolutiores esse: quam sint reliqui discipuli: qui bonis literis & Theologiæ præcipuè operam navant.

Ac tametsi in cæteris Academicis aliqui petulantius vitam instituunt: qui hoc studium colunt. Quanquam quid dico colunt: non colunt qui uiuunt turpiter: sed uolant uitis: & unum ex primis huius doctrinæ præceptis negligunt. Vbi enim illud est: **HONESTE VIVERE.** tametsi igitur aliqui sint: qui uiuunt petulantius: tamen hos possumus nos nostris legibus coercere. Et usu comperimus, paucitate horarum: non solum adulescentes, sed pædagogos etiam ipsos ocio uel deprauari,

ut languescere: ut antè à nobis discedant: quàm utrisq; expediat. taceo, quòd etiam ciuium nostrorum liberis hæc paucitas, quæ inopiæ consimilis est, noceat.

Itaq; si meum cōsiliū locū haberet, suaderē, ut tu cū Beuthero: & Hugone Blotio: & Vuilueshemio: Pandectas partiaris: ut reliqs Academijs etiā hac parte philosophiæ cōponi possimus.

Iuris uestri fontes habetis in Philosophorum libris de Republica, & de moribus: qui libri posthac diligenter in nostris scholis explicabuntur. præclarè facietis: si et uos uestros riuos ad suam reducetis originem: & illi ex suis fontibus ad uos riuos suos deriuent.

Hæc uia, & ratione hæc, & iucundius euaderet Iurisprudentiæ studium: & labor esset facilior: & plenior fieret legum doctrina.

Vt enim fontium amœnior est aspectus: & sapor suauior, quàm riuorum: & ut pisciculi in illis riuulis, qui è fontibus

bus demanant, sunt salubriores atque
 delicatesiores: ut sunt salares, & muren-
 læ nostrates: sic suam & discunt hanc ar-
 tem maiore cum uoluptate, philoso-
 phorum præceptis imbuti: & sanius ad-
 ferunt ad controuersias distrahendas
 iudicium: id quod minore labore & facilio-
 re contentione: propter dialecticorum
 rationes, quas tradunt philosophi: &
 quas sequuntur in morum atque le-
 gum disciplina. Et quid quæso cau-
 sæ est: quod iuris uestri capita usque
 adeo mutilata sunt: nisi quod *περ-
 γματα* magis fuerunt: quam *Προσημο-
 νια*: & cum in singulis occupati essent:
 neque intueri potuerunt res uniuersas:
 neque uniuersam rem in partes diuide-
 re, quas quoniam ignorarunt, & philo-
 sophorum fontes non gustarunt: sta-
 gnis suis contenti: fructuosis quidem
 suo genere piscium: opes potius atque
 facultates comparare: quam sapientiã
 atque doctrinam perfectam excolere uo-
 luerunt. Nam quod Cicero uel Crassus

apud Ciceronem, sermone primo de
Oratore: paucis mensibus Iuris sapien-
tiam pollicetur, nō potuisset istud pro-
fiteri, nisi his artibus Philosophorum
atq; Dialecticorum fuisset institutus.
Hæc habui quæ in hoc tempore tibi
pro nostra necessitudine scriberem,
tu, si quid melius habeas, ut Horatius
ait: Candidus imperti; si non, his ute-
re mecum,

DOCTORI MI-

CHAELI BEVTHERO.



ASYPODIO EXPONAM
meam sententiam, de tri-
bus nostræ Academiæ uo-
luminibus, quibus conti-
neatur uniuerſa Mathe-
maticorum doctrina: ut iis perceptis
quiuis possit & discere priuatim: & do-
cere publicè: quæ sunt reliqua. Statui
autem utile fore nostro instituto, ut
duo prima uolumina in duabus expli-
centur

centur superioribus curiis: tertiū publicē omnibus explanetur. Et hæc ratio quoniam uobis heri extra ordinem in uestro cōsilio comprobata est, rursus ego certē approbo, & ut felix ea sanctaque sit nostris ciuibus, atq; etiam exteris nationibus opto.

Sentio autem primo uolumine cōprehendēda esse quatuor artium principia: Geometriæ, Logisticæ, Astronomiæ, Geographiæ. Principia uerō *scilicet* ea uoco prima: quæ tradūtur ante problemata, & theoremata: ut sunt de finitiones, partitiones, axiomata, ætemata: quibus scilicet principiis insequentia probantur, ac demonstrantur: proposita, siue ad efficiendum aliquid directā illa sint: siue ad intelligēdum.

In secundo uero opere, doctrina tradetur maior logistices: & regulæ comprehendentur logistices cū quotidianæ: tū illius quæ astronomica à uobis nominatur. Plenior etiam doctrina Astronomiæ, de primo motore glo-

B v

bi, & cœli motu: de terræ situ: de cœlestibus circulis: de ortu & occasu syderum: de dierum atque noctium differentia: zonarum & climatum descriptiones: explicatio etiam aliqua de solis defectionibus. non ut hæc demonstrantur more uestro Mathematicorum: sed ut, quæ sint & qualia existant, agnoscantur. Nam & nos scimus discrimen illud uestrum: τοῦ ὅτι καὶ τοῦ λόγου.

Iam tertium uolumen complecti debet horum omnium ἀποδεικτικῶν explanationem: & ἀναλύσεως sex librorū Euclidis: & confirmationes logisticarum præceptionum: & Gebranum κανόνα: etiam Astronomicas conclusiones primimotoris: & Theoricas expositiones planetarum.

Et quanquam hæc tria sunt uolumina: non tamen idcirco ternas singulis oportet impendere horas: sed singulas. sunt enim ingenia tribus distincta locis: primæ & secundæ curiæ, & publico

blico auditorio. concedes enim mihi
 Beuthere ut in nostro instituto; uerbo
 mihi Quintiliani & Plinii uti liceat.
 Ergo & classicis ipsis spacium datum
 est, ad reliquas scholas: quas dicendi et
 differendi ratio requirit: & qui publi
 ci uocantur: una hac occupati, tres po
 terunt & amplius reliquas horas in a
 liis studiis adiungere: quarum diligēs
 habenda ratio est: & distinguēda sunt
 ea quæ cognoscuntur quotidie: ab il
 lis, ad quæ paucis horis fit digressio.
 Quotidie enim, si fieri poterit, doceri
 debent Ethica, & Physica, & Dialecti
 ca Aristotelis: at satis est, te binas ho
 ras dare duobus tuis globis: uno A
 stronomorū, altero Geographorum.

Sed ego classes, quas uocamus: cu
 pio quam literatissimas esse. In his e
 nim fundamenta ponuntur architectu
 ræ nostræ: in his nostræ agriculturæ se
 minaria: ex his ad publica subsellia a
 scendunt: qui nobis, qui publici uoca
 mur, præscribunt: quantas res scire, &
 quo-

quomodo eas docere debeamus. Nā qui frequentia delectatur eorum, qui audiunt: qui eos iuuare & docere uolunt: eos oportet excellentius aliquid facere: quàm in classibus perceperint.

Et quantum ad Mathematicorum doctrinā attinet: satis instructi sumus à Dasypodio: te præsertim adiutore, quorum uterque hæc præclare tradere potest: & uterque studiosi estis linguarum: & cupidi elegantiæ literarum: & inimici impuritatis: & hostes barbariei: & uterque Academiæ nostræ uultis & causam, & amplificationem, & laudem perpetuam. Non enim iis qui uiuunt prodesse uolumus: sed posteris etiam nostris, quod diuturnum & perpetuū sit, tradere. Vale mi Beuthere.

CONRADO DASY-
PODIO MATHEMATICO.



EMINI ME IN QVADAM
epistola ad Capitonem
Theologum olim urbis
nostræ Martinum Luth-
rum

rum scribere: ex omnibus scriptis suis, nullum esse quod sibi probetur: præter Catechesim suam; & alterū quoddam, quod nominare non uolo. propter infesta & pernicioſa nostro tempore Ecclesiarum diffidia.

Sanctissima apud me est Lutheri memoria: itaq; libenter utor eius quasi auctoritate; & nihil esse aio in hac constitutione Academiae nostræ: quod mihi magis placeat: quàm primordia ipsa, quæ in duobus libris quos ante annos triginta duos de literarum ludis rectè aperiendis edidi, apparent: & renouata sunt in classicis à me epistolis.

Ac certè si interroger: si alterutro carèdum sit; utrum classicam illam rationē, mallet aboleri; an ab hac Academia constitutione recedere: malim id retinere: quod annos iam triginta, ab omnibus & approbatum & laudatum extitit.

Nam tametsi propter eas artes, quæ λογικαί nominantur; classes potissimū insti-

instituta sunt: tamen hæc ipsa facultas sermonis: tum puri, tum ueri, tum disertæ: ita traditur in hisce ordinibus: ut etiam reliquarum scientiarum doceantur principia: atque præcepta intelligantur: præsertim cum ea, quæ eximia sunt apud Poëtas, & Oratores, & Historicos: quos classici interpretantur: ex Philolophorum sint deducta riuulis.

Sed præclara tamen accessio est ad uetus facta institutum: nouo Maximiliani Cæsaris Augusti beneficio. quod si Iacobo Sturmio prætoræ: aliisq; etiã prætoribus, atq; consulibus, Theologisq; quorum magna per totam Europam autoritas erat, obtineri potuisset: perfectam iam, quam nunc quærimus, haberemus Academiæ constitutionem.

At ita hæc instituenda est: ut ne classium puritas negligatur: & ut ne his ipsis auferatur: eorū omnium, quæ inde ab initio huc usq; sunt professæ.

Primum

Primum igitur ab te contendo : ut principia Mathematicorum in hisce curiis supremis duabus doceantur: duobus illis, de quibus inter nos locuti fuimus, uoluminibus: quorum alterū ab te habemus: quod secundæ curiæ erit: alterum à te etiam expectamus: & primæ curiæ conficiendum: ut ii, qui ex primo ordine progredientur : quod reliquum est in hisce studiis, biennio comparare & absolvere possint. Atque hisce principiis, Euclidis primum librum addo : ut in libro de literarum ludis traditur. Nam quoniam *δοκτικὴ*, explicatur in primis tribu: cur non Euclidis hic primus liber? qui solus omnium eorum quæ in hac logicæ parte docentur, exempla continet: & nihil est, quod doctrinas magis obscuret: quam exemplorum inopia: immò absque hisce elementis: ea quæ *δοκτικὴ* dicitur, percipi non queat.

Vnum

Vnum igitur istud est: quod classibus adimi nolim: imò quod adiungi uelim: ut & amplius aliquid explicetur: & omnia dilucidè intelligantur: quæ in hac gymnasii nostri parte sunt cognoscenda.

Alterum est: ut ne accessione Mathematices, puritas sermonis Latini corrumpatur. Habent enim omnes scientiæ, sua propria rerum uocabula: quæ aut non in Græcis rectè intellecta: aut barbarè conuersa: ut malum fermentum, farinam totam quæ fermentanda ad sanitatem & uoluptatem est: corrumpit contra ualitudinem ad fastidium. sic hæc linguam contaminant: & sermonem purum uiciant.

At quid quæso laudis habuit tot iâ annis ludus noster: quàm disciplinæ in moribus: & elegantiae in loquendo atque scribendo?

Placet igitur mihi facere te, quod facere instituisti: & exponere Procli Sphæra, & quæ in Sacrobustani Sphæra

ra

ra utilia sunt: & à Proclo non annotata: ea ex Græcis scriptoribus arceffas: sed Græcis retentis, aut etiam seorsim in fine libri purius quàm in Sacrobustano tradita sunt, conuersis: cuiusmodi autores esse scis Ptolemæum, Achillem Statium, Proclum etiam ipsum, et Cleomedem, & Hipparchum Bithynium, & Euclidis Phenomena, & Sphærica Theodosii. Nō pauca etiam Theon suppeditabit: quos scriptores scio te omnes habere. Verum ista omnia bona ratione & modo: ut ne magnitudo aut cōfusio fatiget animos discipulorum. Breuitas enim in multis & uariis applicari desiderat, & in hac uarietate Horatianum illud tenendum est:

Quicquid præcipias, esto brevis, ut cito dicta

Percipiant animi dociles: teneantq; fideles.

Omne superuacuum pleno de pectore manat.

Vt enim, quicquid pleno urceo infunditur aquæ: id defluit: sic etiā, quicquid in docendo superfluum est: memoriam fugit: quæ sese in breuitate re-

C

ficit atque oblectat.

Sed ut hæc assequaris: atq; efficias: horarum requiritur descriptio: de qua inter nos differemus. Et placet mihi, ut sex horas singulis consumas hebdomadibus: binas in secunda tribu in uolumine primo: totidem etiam in prima & altero uolumine: posteriores binas publicè doceas in tertio opere binis etiam horis. *περὶ ὧν κλῶ* etiam quam *περὶ ῥήτων κλῶ* uocat Laërtius: utile uidetur extra ordinem priuatim te tradere, ut prouoces acutiora ingenia ad amorem harum disciplinarum: id quod Philippum Melanchthonem fecit asse animaduerto. Velim autem ignoscere te mihi quòd plus tibi imponam oneris, quàm tu mercedis assequaris. Nam istud nobis omnibus faciendum est: ut plus laboris suscipiamus: quàm superior requirebat consuetudo. Tribui uerò tibi semper laudem industrię & diligentię: quam nobis, quādiu professor fuisti: multis indiciis comprobasti. Vale. Argent. 69. CON-

CONRADO DA=

SYPODIO.



VAERIS EX ME DASY-
 podi: quem ego esse putē
 magistrum Philosophiæ:
 & quem hominem dignū
 tali & tanto nomine. Ma-
 gnum enim certē nomen est: & longē
 gloriosius, quam ipsum Philosophiæ
 uocabulum: quæ cū studiū sapien-
 tiæ sibi uendicat: sapientiam ueretur si
 bi arrogare. Eum enim magistrum
 Philosophiæ esse statuo: si uerbum cō-
 sideres: qui omnia quæ Philosophus
 scire auct: siue ille res diuinę sint, siue
 humanæ: omnes inquam has res, cog-
 nouit, & didicit: scit, & docere potest.
 Nosti illam uocem Euangelicę sapien-
 tiæ: σὺ εἶ διδάσκαλ' ὁ τῶν ἰσραὴλ ἑταῦρος
 γνώσεις; Iesus Christus sempiterna pa-
 tris sapientia atq; imago: quoniam se
 magistrum cognominari uoluit: Nico-
 demus rei inuisæ & inauditæ plerisq;

C ii

omnibus hominibus cognitionem in ipso magistro requisivit: hominum *πᾶσι γινώσκουσαν*: cuius Pythagoras Philosophus nomen inuenit: rem ipsam & causam ignorauit: immò ne cogitauit quidem. Omnia requirit: qui summa efflagitat.

Sed hanc ego perfectionem atque consummationem sapientiæ: optandā potius esse credo: quā præscribendā nostris hominibus. Mediocritate contentus, non perfectā doctrinā, sed studio & uiribus: hanc facultatem metior: & eum magistrum artium atq; doctrinarum esse statuo: qui ea quæ Philosophi inuenerunt atq; suis monumentis literarum nobis communicarunt: si ea assecutus est, docere potest: sin minus: tamen potest per se cognoscere: & alios docere. *διδάσκαλον* enim Græci uocant: hoc est, doctorem: qui qualis sit absq; discipulo intelligi non potest: cū tamen *μάθησις* atque *διδασκαλία* eiusdem sint & hominis & potestatis.

Perfe=

Perfectam habent propè scientiam ii
 qui Mathematici uocantur: & tamen
 nemo illorum in quadrum potuit ad-
 huc redigere circulū: & Archimedes
 ignorabat id quod quærebat: antequā
 diceret εὕρηκα. An idcirco tum nō Ma-
 thematicus? nequaquā: erat enim sum-
 mus & propè perfectus: satis enim e-
 rat potuisse inuenire . Ante Socra-
 tem omnes Philosophorum familiæ ig-
 norabant doctrinam de moribus: quæ
 multas & magnas sub se artes cōtinet.
 complectitur enim non solūm quæ tra-
 duntur de moribus hominum atq; uir-
 tutibus: uerum etiam ciuitatum, quam
 πολιτικὴ nominant: in qua etiam est ἡ
 νομικὴ: Iurisperitorum doctrina: & οἱ
 οἰκονομικὴ: singulorum hominum rei fa-
 miliaris administratio.

Et quanquam hæc omnia ante So-
 cratem explicata non erant: tamen o-
 mnes Philosophos sese appellari nō re-
 cusabant. An idcirco ergo non Phi-
 losophi? minimè: semper enim discen-

dum aliquid est. Annos ego iam quadraginta & amplius, doceo artes dicendi: & hoc sexagesimo tertio ætatis meæ anno, quotidie aliquid in his artibus obseruo & annoto: quæ antea à me fuerant præterita. Concedamus igitur stultitiæ hominum magistri tanquã honoris uocabulũ: ut statuãt plus Philosophũ, quã Philosophiæ magistrũ profiteri: & studio & diligentia uehementi, & facultate atq; doctrina medicis: magistri officium describamus, & eum esse proponamus: qui ex scholis Grammaticorum: adfert sermonẽ purum atq; dilucidum: ex disceptationibus Dialecticorum: differendi præcepta Aristotelis Organo explicata: ex Rhetorum uerò officina: sermonis ornati & apti doctrinam, & scribendi atque dicendi aliquam facultatem.

Ad hæc teneat ea quæ tribus uoluntatibus, in nostro gymnasio & à te complexa sunt. Hunc, inquam, decerno: satis instructum esse à Philosophiæ appa-

apparatu: ut quę necessaria sunt, & tradita à Mathematicis atq; Philosophis, & legēdo atq; cogitando discere queat: & dicendo explicare, & eundem ad hoc cognomentū: hunc ad istum honoris gradū, admittendū esse sentio. Sed omittēda non sunt quę sunt præcipua: & propria Socraticorum, de Ethicis loquor & Politicis atque Oeconomicis: de quibus modo dictū est: unā cū Phisicis Aristotelis, definitionibus, partitionibus: ceterisq; huius generis quę ad naturā pertinet: cui muneri Bruno noster præpositus, quem ita cōfido explicaturum Aristotelē: ut adolescētes necessaria memoria custodiāt: cōtrouersa intelligant: sed ita, ut, quibus rationibus falsa refutata ab hoc autore sint, cum uoluptate animaduertant: quorū cognitio & distinctio & digestio: ex fallaciis sophistarū Aristotelis nostri sumenda est. Nam absque huius fucosæ artis obseruatione: nihil Aristotelicis disceptationibus possit esse magis

C iiii

infrugiferum: nihil fastidiosum magis.
 Hæc inquam uel didicisse: uel per se
 posse quotidie discere perfectius: ma-
 gistri Philosophiæ esse statuo faculta-
 tem atq; officium. Sed utilior futurus
 hic doctor erit hominum societati: si
 ea quæ didicerit: doceat. Est enim
 quidem scientiæ & doctrinæ didicisse:
 sed est uirtutis atque officii explicare.
 Non enim θεωρητικὸν solum nostræ A-
 cademicæ scholæ requirunt: sed πρακτι-
 κὸν etiam efflagitant, qui labor à disci-
 pulo suscipitur discendo: sed docendo
 à præceptore explicatur.

EXAMINATO- RIBVS.



VDIO HERI RELATVM
 ad uestrum consilium esse:
 de probatione eorum: qui
 lauri baccis donandi sunt.
 de quibus nihil certi decer-
 ni poterit: nisi cognoscatur: quarum re-
 rum

rum Philosophiæ magister sese doctorem esse profiteatur : de cuius officio ego heri ad Conradum Dasypodium scripsi: in qua epistola hæc mea est sententia: ut qui eas res omnes quas Philosophia traditas habemus: aut teneat intelligendo: aut tantum teneat: quantum ad cæteras per se percipiendas absque doctore sit satis : docere eas possit. Nemo enim extitit unquam, qui sciret omnia. Discendo senescimus: & quò quis plus quàm cæteri industria assequitur: eò doctior illis habetur atque perfectior. Ac uos certè qui Examinatores uocamini: quasi quæsitores & probatores ingeniorum: non minimum onus uestris mihi humeris sustinere uide mini. Neque enim tum demum uestrum initium sumit officium: cùm progressionem faciendæ sunt : & illæ sunt in expectatione propter Autumnum: sed inde ab initio anni: unà cum magistrorum, qui docēt, fide: & eorum, qui hos audiunt, adolescentum industria

C v

neceſſe eſt explicari. Veſtrum enim eſt ſcire: quas res doceant magiſtri: & quibus eas rationibus explicent: ſiue perpetua oratione eas tradant : ſiue interrogationibus explorent. Tum etiam ingenia uobis diſcipulorum: & facultates ſuis ſunt ponderanda momenti: ut, antequam honos cuiq; ordine tribuatur: & priuſquam quærere atque interrogare incipiat: quid uobis pronuntiandum ſit: quaſi diligentia & artificis ſtatera ſit examinatum.

Atque apes quidem examina ſua cùm eiiciunt: ſobolem parentes eiiciunt tanquam in nouam coloniã: ipſi uerò in ſuis remanent ſedibus. Vobis uerò contrã faciendum eſt: ut adultiores extrudatis, eorumq; in locum ſubſtituatis iuniores : nouamq; uelut ſobolem. Illud tamen ſimile in ueſtro officio eſt: quòd ille eas in alia loca educant: quæ nouas ſedes quærere poſſint : & queant mellificare: & cum primum in aluearium nouum ingre-

ingrediuntur: fauos queant confingere: & ceram conficere: & inter sese distinguere domicilii fundamenta : ut ipsa κόμμωσις ἀποροχήρῃ distincta sit: & hoc ἀ propolide sit separatum: immò ut Rempublicam constituent: secum Regem educant: & duces atque consilia describant: quam disciplinam secum deportant ἀ parentibus atque ἐ patria: quasi in nouam orbis terræ regionem. in quam etiam cibum secū & materiam deferunt: ut ingressæ in domicilium nouum: statim conclauia ædificent: quæ hora una posteaquam inuolarunt, nidolis distincta possunt conspici.

Sic quos uos probabitis : & quos baccata corona donabitis: necesse est, ut secum apportent ad gradum superiorem: quibus adiuentur ad coædificandum sapientiæ templum: in quibus aliquando omnia queant diuina atque humana contemplari.

Itaq; in his sermonem primū purum

rum & latinum atque perspicuum requiretis: quem acceperunt à Grammaticis: deinde ornatū ex doctrina Rhetorum: quam tradit classis prima: tum ueritatis regulam, non popularem trutinam: sed Dialecticorum stateram: quam accipiunt duabus supremis curiis. His adiungentur duo uolumina Mathematica: quæ uno anno explicari possunt ab uno eodemque interprete. Nam tertium uolumen iis comparatum est: qui sese magistros artium appellari uolunt. quod duobus annis exponi potest ab eodem: qui duo uolumina in secunda & prima decuria tradit. Hæc ita distincta sunt: ut cum senis horis omnia tria explanentur hebdomadibus singulis: singuli tamen discipuli: horas duas tantum: singulis hebdomadibus consumant, nullo labore: nemolestia quidem: aut ulla impeditione reliquorum studiorum. Equidem, si quisquam alius, odi epitomas: præsertim eas, quæ ab autorum uerbis & ordine

ordine recedunt. Improbo etiam eos, qui scriptores ipsos docent *Μητρικῶς* & qualicarptim. Autoritates enim & præcepta suis debent autorum uerbis tradi: & sensum totum & rationes omnes continere: quæ in autore sunt, nō solū in his Mathematicorum doctrinis, uerum etiam in disciplina morum: & in naturæ explicatione. Sed hæc tria de quibus loquor uolumina: nulla in parte ab autoribus suis recedūt: eadem retinetur doctrina: eadem repetūtur definitiones & partitiones: eadem theoremata atque problemata: iisdem etiam autorum idē optimorum, idē Græcorum uerbis atq̃ uocabulis: integris etiam aliquando uoluminibus.

Verūm redeo ad uestram probationem: si qui ex prima curia: ad publicas scholas: horum duorum uoluminum baccas attulerunt: iidem ex his seminibus si serāt: lauros excolere poterunt, perpetuis fructibus: ut nihil difficile illis

lis in tertio futurū sit: quo percepto: nil tam obscurum & reconditū in his studiis est: quod nō suo, ut aiunt, Marte queant discere atq; docere: id quod officiū magistri esse ducimus. Si hæc omittantur, quid queso Academia nostra habebit singulare? quomodo ad id fastigium quod propositum a nobis est: poterimus uel aspirare, uel ascendere?

IOANNI REINHARDO DIALECTICO.



QUOD VOBIS CONSILIVM meum de tribus voluminibus placet Mathematicis, uehementer gaudeo. Ita enim futurū uideo: ut altero anno posteaquam discipuli nostri ex curiis progressi erunt: magistri queant appellari. Nam si istud in Mathematicis assequemur: cur non idem comparemus in iis artibus quas λογικάς uocant?

In prima enim & secunda tribu Dialecticorum

cticorum utilia & necessaria propè omnia præcepta breuiter quidem sed tamen perspicuè explicantur. In iis autè non latū digitum declinaui à doctrina Aristotelica: ipsum Aristotelē & explicatores eius secutus: quorū regulas enumerauī potius in locis multis, quàm exposuī: uerū ita: ut qui te iam audiunt exponentē Analytica: nihil nouū, nihil inauditū, nihil non ratione aliqua præcognitum recognoscant. Sed ut in Mathematicis, sic etiam in Rhetoricis & Dialecticis præceptis: duos esse oportet, qui has artes doceant. Atq; in Rhetoricis Erythræum & me habēt scholę nostrę: tu socio & adiutore cares. Herteliū enim nobis podagra cōtinens: doctissimum ceteroquin uirū, & utilissimū, dum ualuit, gymnasio nostro hominē, domi detinet, ut alius nobis quærendus sit: nisi Scholarchę nobis Specerum reddant: id quod uideo obtineri nō posse: propter quotidianas in Ecclesia occupationes. Meū consiliū
 si

iungemus ista Academica: & nos ad
uetera Atheniensium referamus gym-
nasia: nisi inuidiosum esset: libenter di-
cerem: magnū nos aliquod, & eximīū,
& singulare ciuitati nostræ ornamen-
tum cum omnium bonorum compro-
batione possemus adipisci.

VALENTINO E-
RYTHRAEO RHE-
tori.



AEPE ANIMADVERTI: E-
orū qui publicè in nostris
scholis docent: & Poëtas,
aut Historicos, aut Orato-
res explicant: arduum & difficile mu-
nus esse. & sæpe admiratus sum: cur in
classibus maior sit frequentia: quàm in
publicis Rhetorum & Poëtarum scho-
lis, imò sæpe in hisce professores eorū
destituantur auditoribus. Animaduer-
ti autem unam esse causam: quod in cu-
riis,

riis, quas uocamus, etiam inuiti retineantur disciplinae necessitudine & temporis atque tribuum descriptione. Alterum uerò: quod in his ipsis locis inferioribus scriptores exponantur omnis generis. Nam & Poëtas habent, Homerum, Pindarum, Sophoclem, Euripidem, Græcos, præter Latinos, Vergilium & Horatium, & Historici ibi exponuntur utriusque linguæ: Demosthenis uerò & Ciceronis monumenta præcipua. Itaque ad liberas nostras scholas progressi: & res secum adferunt: & omne genus uerborum: si non aliquid à nobis cognoscant, quod nouum sit, atque inauditum, dilabuntur: & uel delabuntur ad alios qui res nouas docent: ut Iureconsulti sunt, quos huc usque paucos habuimus: uel propter horum paucitatem otio sese dedunt, & otio pereunt. Ac reliqui quidem præceptores suam possunt retinere frequentiam, ut hi ipsi Iureconsulti, quos spero nos habituros plures,

& Ethici explicatores, & Physici, & reliqui Mathematici: propter quos non uisas merces habent: nos uerò eas dem proponimus: quas nisi aliter exornemus, quàm in curiis classicis actū sit: eueniunt illa quæ sensimus aliquibus euenisse incommoda.

Et certè qui ex aliis locis ad nos uenerunt: hac in parte ualde laborarunt: & pauci frequentiam retinuerunt: nos adhuc consistimus: fortassis quod *Διὰ λεπτικώτερον* aliquid, & *ῥῆτορικώτερον* adferamus.

Ego semper animaduerti discipulos nostros breuibus partitionibus in singulis orationis partibus: & in unoquoque genere argumentorum digestionem delectari: & uoluptatem capere ex comparationibus exemplorum: plurimum etiam adferre ad delectationem: si sententiarum genera ad suam reuocentur originem: & illa quæ docent, ab aliis, quæ aut concilient, aut flectāt, separētur: & Democraticæ ab Aristocraticis

craticis regiis distinguantur: in primis
 uerò harum expolitio placet: præser-
 tim si præmonstremus: quibus in rerū
 generibus similis debeat & possit ad-
 hiberi & ordo, & ornatus: qua in re
 Hermogenes quidem nos adiuuat, sed
 subtiliter: Cicero uerò copiosè, & cū
 ornatu: ex quo etiam eorum quæ ab
 eodem præcipiuntur, exempla capimus.
 Quid enim ornatius, quid plenius quā
 tres libri de Oratore? quam Orator
 perfectus? quā de claris Oratoribus?
 quibus ego me imbutum & eruditum
 libenter confiteor. Sed dum aliquid ex-
 cellentius nos facere oportet: quam in
 curiis faciant: interea non nobis nimi-
 um debemus magna polliceri de no-
 strorum discipulorum ingeniis atque
 doctrina. Nuper enim orationem Mi-
 lonianam explicans: sensi eruditiores
 etiam aliquot illa ἀναλύσει oblectari.
 Cū enim Exordii partem priorem
 quatuor generibus personarū dissol-
 uissem, Ciceronis, Pompeii, amicorū

D iii

& ut Plautus ait, fauitorum: & Clodia-
 norum. ut posteriorem partem tribuis-
 sem καπετάσσι: quæ præcipuos comple-
 ctitur status: & planè τεχνικῶς: medio-
 criter stabā hac distinctione. Sed quæ
 sequebantur: sensi probari magis. indi-
 cabam aditū ad ipsam refutationem.

» Sed antequā ad eam orationē uenio.
 proponebam Clodianū κεφάλαιον. Ne-
 gāt intueri lucem esse fas ei. hinc adde-
 » bam Ciceronis ἀντιπροβολῶν. In qua tā-
 » dem urbe. ostēdi post genus ipsum re-
 futationis: cuius argumentationem in
 duas digessi capitū formas: quarū una
 est παραδιδυμική: consimilis Philoso-
 phorū ἐπαγωγῇ: & sex enumeraui auto-
 ritates atq; exēpla: & illorū monstraui
 συνέχειαν, quæ est collocationis. Hoc de
 mōstrato genere per breuit: ad alterū,
 quod θετικὸν atq; συλλογιστικόν: & primā il-
 lā propositionē quā Dialectici uocāt
 » τὴν μίζω, transii. Atq; si tempus est ullū.
 & hanc indicaui conformi exemplo a-
 dolescentis militis: & quū istud exem-
 plum

plum à superioribus differret, non pre-
 terii. Inde ad illā ἐλάττω ueni: illiusq; ap-
 probationē. Insidiatori uerò & latro-
 ni. tum ad illā concinnam ἐπεγρασίαν u-
 triuq; propositionis. Est enim hæc lu-
 dices non scripta, sed nata lex. Deinde
 breuē illam ἀπόκρυσιν subdidi: de legisla-
 toris sentētia : postremò conclusionē
 absolui hūc locū. Quapropter hoc ma-
 neat in causa ludices. Cū uiderent quo
 modo ratio una aduersarii duplici con-
 traria ratione refutata esset: & animad-
 uersa collocatione singulorū: & anno-
 tatis generibus uerborū, illorumq; or-
 namētis: simul obseruatis sententiarū
 acumine, earumq; insignibus: & simili-
 bus breuiter notatis à me uirtutibus:
 & usu præmōstrato: quā latè pateat:
 & ad quas quotūe res hæc forma que-
 at applicari: uidebatur mihi ipsos uide-
 re: quantū Cicero ab aliis differat scrip-
 toribus: quantū esset discrimen inter
 Forense dicendi genus : & Philoso-
 phorum aut Historicorum.

D iiii

Ignoscas mihi quod hæc ego ad te
 ueteranum militem: & ueganum pro
 pesenem: prospicientem Herculis po
 stem: nondum tamen ducentem ilia,
 sed ferocem adhuc frenis equū, & fre
 na mandētem. scribo autem, uel quod
 delectent me adhuc ista primæ ætatis
 meæ *παιδείματα*: uel quod putem
 profutura ista suo exemplo: ut si ego
 senex ista non negligam: cogitent qui
 me ætate sequantur: nihil dedecere in
 omni ætate: quod iuuentuti alieno mo
 do prouideri potest: & pertinet ad uitæ
 atq; muneris officium.

IOANNI BRVNO NI PHYSICO.



N PHYSICIS NON DV
 bito, quin, si uelis, possis
 præclaram operam naua
 re: uelle autem te scio: cum
 ut patriæ pro sis, & præfe
 ctorū expectationi satisfacias, & me
 isuo-

is uotis respondeas: cui scis scholas nostras esse charissimas: tum in primis uerò, ut existimationem de te doctrinae tuae nostrae & omnium hominum non solum confirmes, sed etiam amplifices ad memoriam sempiternam. De facultate tua nullum etiam nobis dubium est: qui & tuapte natura es, & semper fuisti diligentissimus & studiosissimus harum artium: & VVitembergæ Doctores habuisti, posteaquā à nobis profectus ad eas partes fueras: VVitēbergæ, inquam, & in Italia homines literatissimos & eruditissimos: in primis uerò Cardanum uirum iam in omni Philosophia: tum præcipuè in hisce tuis studiis exercitatissimum: cuius familiaritas, ut sæpe sensi, te solet etiam in his remotissimis ab eo locis delectare. Sed tamen in hac tua uoluntate & industria, & facultate: arduum & difficile munus sustines: dum Aristotelis doctrinas profiteris & explicas. Nam tametsi hic autor optima uia & ratione

D v

filocum haberet: suaderemut Theophilum Golium adiungerent: & alius quæreretur: cui decima curia committeretur: reliqui ordine ad superiores tribus ascenderent, id quod minori stipendio fieri possit: & omnium eorum qui succederent gaudio atque lætitiâ.

Si hic Analytica priora demonstraret: & tu posteriora explicares: à te acciperemus quotannis: qui magistri atque doctores Dialectici dici & haberi & esse possent. Sin obtineri non queat: id quod non puto: duplicandum tempus esset: & protrahendum curriculum studiorum: id quod aliis moram: Dialecticis fastidium: omnibus sumptus atque impensas maiores pareret, & ærarium Academiæ non paruum detrimentum faceret.

De modo docendi, & de explicandi elegantia non est quod te moneam: nosti optimū docendi modum esse positum in explicandis uerbis Aristotelicis: in exemplis: tum in demonstrationibus

nibus Mathematicorū, tū in Dialecticis conclusionibus Ethicorum: quorū magnā copiam Plato noster suppeditabit. Philippus Melanchthon, quē honoris causa nomino: cū alia multa scripsit præclarè: tum in exemplorum explicatione & acutus fuit, & perspicuus. quos tu libros discipulis commendabis ut domi legant: non enim explicatorem maximopere requirūt: lectore contenti diligentiore.

Quid de elegantia tibi scribam? æquē enim atque ego perspicuitatem amas, & puritatem sectaris, & ornatum quæris, & quod aptum atque decorū est: in dicendo requiris.

Dux enim sunt res, propter quas scholæ nostrę multos iam annos maxime laudantur: disciplinæ gravitas, & eloquentiæ studium: quorum utrumque nisi retineamus: actum est. & eam quam inuenimus superioribus annis laudem, nouo isto instituto amitteremus. Sed si & has retinebimus: & ad-

D

iungemus ista Academica: & nos ad uetera Atheniensium referamus gymnasia; nisi inuidiosum esset: libenter dicere: magnū nos aliquod, & eximiū, & singulare ciuitati nostræ ornamentum cum omnium bonorum comprobatione possemus adipisci.

VALENTINO E-
RYTHRAEO RHE-
tori.



SAEPE ANIMADVERTI: E-
orū qui publicè in nostris
scholis docent: & Poëtas,
aut Historicos, aut Orato-
res explicant: arduum & difficile mu-
nus esse. & saepe admiratus sum: cur in
classibus maior sit frequentia: quàm in
publicis Rhetorum & Poëtarum scho-
lis, imò saepe in hisce professores eorū
destituantur auditoribus. Animaduer-
ti autem unam esse causam; quod in cu-
riis,

riis, quas uocamus, etiam inuitti retineantur disciplinæ necessitudine & temporis atque tribuum descriptione. Alterum uerò: quod in his ipsis locis inferioribus scriptores exponantur omnis generis. Nam & Poëtas habent, Homerum, Pindarum, Sophoclem, Euripidem, Græcos, præter Latinos, Vergilium & Horatium, & Historici ibi exponuntur utriusque linguæ: Demosthenis uerò & Ciceronis monumenta præcipua. Itaque ad liberas nostras scholas progressi: & res secum adferunt: & omne genus uerborum: si non aliquid à nobis cognoscant, quod nouum sit, atque inauditum, dilabuntur: & uel delabuntur ad alios qui res nouas docent: ut Iureconsulti sunt, quos huc usque paucos habuimus: uel propter horum paucitatem otio sese dedunt, & otio pereunt. Ac reliqui quidem præceptores suam possunt retinere frequentiam, ut hi ipsi Iureconsulti, quos spero nos habituros plures,

& Ethici explicatores, & Physici, & reliqui Mathematici: propter quos non uisas merces habent: nos uerò easdem proponimus: quas nisi aliter exornemus, quàm in curiis classicis actū sit: eueniunt illa quæ sensimus aliquibus euenisse incommoda.

Et certè qui ex aliis locis ad nos uenerunt: hac in parte ualde laborarunt: & pauci frequentiam retinuerunt: nos adhuc consistimus: fortassis quod *Ἀλεκπικώπειρον* aliquid, & *ῥηπερικώπειρον* adferamus.

Ego semper animaduerti discipulos nostros breuibus partitionibus in singulis orationis partibus: & in unoquoque genere argumentorum digestionem delectari: & uoluptatem capere ex comparationibus exemplorum: plurimum etiam adferre ad delectationem: si sententiarum genera ad suam reuocentur originem: & illa quæ docent, ab aliis, quæ aut concilient, aut flectāt, separētur: & Democraticæ ab Aristocraticis

craticis regiis distinguantur: in primis
 uerò harum expositio placet: præse-
 tim si præmonstremus: quibus in rerū
 generibus similis debeat & possit ad-
 hiberi & ordo, & ornatus. qua in re
 Hermogenes quidem nos adiuuat, sed
 subtiliter: Cicero uerò copiosè, & cū
 ornatu: ex quo etiam eorum quæ ab
 eodem præcipiuntur, exempla capimus.
 Quid enim ornatiùs, quid plenius quā
 tres libri de Oratore? quam Orator
 perfectus? quā de claris Oratoribus?
 quibus ego me imbutum & eruditum
 libenter confiteor. Sed dum aliquid ex-
 cellentius nos facere oportet: quam in
 curiis faciant: interea non nobis nimi-
 um debemus magna polliceri de no-
 strorum discipulorum ingeniis atque
 doctrina. Nuper enim orationem Mi-
 lonianam explicans: sensi eruditiores
 etiam aliquot illa ἀναλύσει oblectari.
 Cū enim Exordii partem priorem
 quatuor generibus personarū dissol-
 uissem, Ciceronis, Pompeii, amicorū

D iii

& ut Plautus ait, fauitorum: & Clodia-
 norum. ut posteriorem partem tribuis-
 sem καταισχύνη: quæ præcipuos comple-
 ctitur status: & planè τεχνικῶς: medio-
 criter stabā hac distinctione. Sed quæ
 sequebantur: sensi probari magis. indi-
 cabam aditū ad ipsam refutationem.
 „ Sed antequā ad eam orationē uenio.
 proponebam Clodianū κεφάλαιον. Ne-
 gāt intueri lucem esse fasei. hinc adde-
 „ bam Ciceronis ἀντιπροβολὴν. In qua tā-
 „ dem urbe, ostēdi post genus ipsum re-
 futationis: cuius argumentationem in
 duas digessi capitū formas: quarū una
 est παραδειγματική: consimilis Philoso-
 phorū ἐπαγωγῇ: & sex enumeraui auto-
 ritates atq; exēpla: & illorū monstraui
 συνέχειαν, quæ est collocationis. Hoc de
 mōstrato genere per breui: ad alterū,
 quod θετικὸν atq; συλλογιστικόν: & primā il-
 lā propositionē quā Dialectici uocāt
 „ ἡμεῖς, transi. Atq; si tempus est ullū.
 & hanc indicaui conformi exemplo a-
 dolescentis militis: & quū istud exem-
 plum

plum à superioribus differret, non pre-
 terii. Inde ad illā ἐλάττω ueni: illiusq; ap-
 probationē. Infidiatori uerò & latro-
 ni. tum ad illā concinnam ἐπεγρασίαν u-
 triusq; propositionis. Est enim hæc li-
 dices non scripta, sed nata lex. Deinde
 breuē illam ἀπόφασιν subdidi: de legisla-
 toris sentētia: postremò conclusionē
 absolui hūc locū. Quapropter hoc ma-
 neat in causa Iudices. Cū uiderent quo-
 modo ratio una aduersarii duplici con-
 traria ratione refutata esset: & animad-
 uersa collocatione singulorū: & anno-
 tatis generibus uerborū, illorumq; or-
 namētis: simul obseruatis sententiarū
 acumine, earumq; insignibus: & simili-
 bus breuiter notatis à me uirtutibus:
 & usu præmōstrato: quā latē pateat:
 & ad quas quotūe res hæc forma que-
 at applicari: uidebatur mihi ipsos uide-
 re: quantū Cicero ab aliis differat scri-
 ptoribus: quantū esset discrimen inter
 Forense dicendi genus: & Philoso-
 phorum aut Historicorum.

D iiii

Ignoscas mihi quod hæc ego ad te
 ueteranum militem: & ueganium pro
 pesenem: prospicientem Herculis po
 stem: nondum tamen ducentem ilia,
 sed ferocem adhuc frenis equū, & fre
 na mandētem. scribo autem, uel quod
 delectent me adhuc ista primæ ætatis
 meæ *παιδείματα*: uel quod putem
 profutura ista suo exemplo: ut si ego
 senex ista non negligam: cogitent qui
 me ætate sequantur: nihil dedecere in
 omni ætate: quod iuuētuti alieno mo
 do pròdesse potest: & pertinet ad uitæ
 atq; muneris officium.

IOANNI BRVNO

NI PHYSICO.



N PHYSICIS NON DV
 bito, quin, si uelis, possis
 præclaram operam naua
 re: uelle autem te scio: cum
 ut patriæ prosis, & præfe
 ctorū expectationi satisfacias, & me
 is uo-

is uotis respondeas: cui scis scholas nostras esse charissimas: tum in primis uerò, ut existimationem de te doctrinæque tua nostram & omnium hominum non solum confirmes, sed etiam amplifices ad memoriam sempiternam. De facultate tua nullum etiam nobis dubium est: qui & tuapte natura es, & semper fuisti diligentissimus & studiosissimus harum artium: & VVitembergæ Doctores habuisti, posteaquā à nobis profectus ad eas partes fueras: VVitēbergæ, inquam, & in Italia homines literatissimos & eruditissimos: in primis uerò Cardanum uirum iam in omni Philosophia: tum præcipuè in hisce tuis studiis exercitatissimum: cuius familiaritas, ut sæpe sensi, te solet etiam in his remotissimis ab eo locis delectare. Sed tamen in hac tua uoluntate & industria, & facultate: arduum & difficile munus sustines: dum Aristotelis doctrinas profiteris & explicas. Nam tametsi hic autor optima uia & ratione

D v

doceat, & sit, ut nunc loquimur, præ
 cæteris scriptoribus omnium tempo-
 rum methodicus: tamē quoniam illius
 copia ad breuitatē contracta est: ex scri-
 ptore perspicuo, obscurus effectus est:
 & doctrina omnis non tam exponatur
 copiosē, quā enumeretur cōcisē: red-
 dita est subtilior: quæ subtilitas pepe-
 rittenebras: quibus intelligentia impe-
 ditur, & fatigatur memoria: nisi artifi-
 cem nacta sit, qui omnem difficultatē
 depellat, noua aliqua uoluptate: quam
 ego quatuor in rebus positā esse puto:
 & arbitror te etiā animaduertere.

Earum rerū prima ratio est, ut uerbo-
 rū uis intelligatur & retineatur in om-
 ni explicatione: in qua ego ita soleo es-
 se sollicitus, ut uel ab Aristotele non so-
 leam discedere, uel ultra Themistii pa-
 raphrasim procedere.

Alter ratio est posita in ipsis Exor-
 diis disputationum: quas Rhetores in
 suis causis *κατὰς ἀσθενείας* nominant: proble-
 mata, inquā, totius futuræ disceptatio-
 nis.

nis. Hæ si ita demōstrentur, ut ordo animaduertatur, perfectio intelligatur, res ipsæ uideantur: omniaq̃ ad memoriā, in extrema parte scholarū reuocentur: tolletur difficultas: discutientur tenebræ: fiet onus leuissimū: quod, antequam intelligebantur: grauissimum uisum est.

Tertia ratio est, in refutationibus contrariarū opinionum: quas ostēdit esse, aut falsas esse, aut res earum effici fieri uē, aut esse nō posse: earum scilicet, ut Dialectici & Physici uocāt, τὰ ἀδύνατον. Hic suaue est ex præceptore intelligere causas erroris ex sophisticis clēchis: & ueritatem earum rationū: quas contra inediā attulit Aristoteles. Sed hic cauēda prolixitas est: & nihil est quod huc maius lumen adferat, quam breuitas: quę sita est tum in expositione eius qui docet: tum etiam interrogatione. Nō enim in hac Philosophia perpetua oratio semper utilis est: sæpe animus interrogando, & excitandus est, & docendus.

Quar-

Quartum est: in Aristotelis doctrina demonstranda: nam superiora *αιαντα* sunt: hæc uerò *κατασκευα* requirunt: & confirmationem desiderant argumentationum: & indicationem ordinis: in quo definitiones, & partitiones, & quæ ex his deducuntur problemata & theoremata continentur. in quorum tractatione, quoniam in dubiis generibus argumentationum uersatur: quarum una est *συλλογισμῶν*, altera *ἐπαγωγῶν*: sæpe hæc aliqua copia illustranda sunt: ut singulorum & partes, & collocatio, & numerus teneatur. Sed quid ego hæc aues ad tuam bibliothecam Athenasq; tuas: nō enim hæc scribo: ut te doceam, sed ut uideas, me etiam aliquando philosophari: & ut omnes intelligant quæ docendi ratio in hac nostra noua Academia sit proposita.

HVGO.

HVGONI BLOTIO:

IVRECONSULTO: DO-

ctori Ethico.

QVOD HERI MIHI DIXISTI Bloti: molestum esse iis qui te audiunt: primū quod à quinto Aristotelis libro de Moribus initium sumpseris: deinde quod hora quarta pomeridiana eam doctrinam tradas: utrumq; credo verum: & miror te hac incommoditate gemina: tamen retinere discipulorum frequentiam.

Lætor tamen: quod ita doceas: ut neq; tenebrę noctis: neq; frigora hyemis, quicquam imminuant uel in te de diligentia: uel in tuis auditoribus de assiduitate. Videbaris autem mihi in eodem hesterno sermone nostro: aliquam requirere horarum distributionem: & locorum distinctionem aliam: quam quæ instituta esset. Equidem quemadmodum ista in publicis scholis

lis describi & discerni debeant: cum in duobus libris de literarum ludis, exposui: tum in classicis meis epistolis. Et hæ Academicæ nostræ aliquid etiam lucis adferunt: sed tibi tamen breviter meam exponam sententiam. Si horam quisque suam magister postulet: & tamen in eodem loco, in quo etiam reliqui docent: qui publicis scholis præfecti sunt, docere velit: neque multi docere poterunt: neque multa poterunt explicari anno uno. Et istud esset potius suam auctoritatem augere: quam singulorum utilitatem quærere. Si omnes uelint eandem sibi dari frequentiam: & auditores eosdem: iniquum postulant: & ingeniorum genera confundunt, atque æquè ut superiores rem suam quærunt. Si unus arbitretur annis se duobus posse Organum Aristotelis, ut oportet, explicare: aut doctrinam naturæ tradere, quemadmodum decet: aut absolvere, ut rei magnitudo requirit, disciplinam morum & rerum publi-

publicarum : is mihi rei magnitudinē non uidetur rectē cōsiderare, sed plus oneris humeris suis imponere, quā uires sustinere & perferre possent.

Cur non in cæteris artibus atque doctrinis: eadem queat retineri aut institui ratio: quæ in scholis Grammaticorum, & in classibus? In curiis enim sex iisdem horis docent omnes: ita ut nullus transiliat sua septa: & alterius possessionem occupet aut impediat: & in quarta & tertia curia ita explanantur autores: ut neuter præceptorum alteri obstitat aut obficiat: & in secunda tribu & prima: Dialectica præcepta absque ulla impeditioe traduntur. At tamen si puerorum ætas: & illius ætatis imbecillitas: plures præceptores & maiorem partitionem laborum requirat: tamen etiam maiores publicarum scholarum doctrinæ non uno possunt contentæ magistro esse: ueruntamen à paucioribus edoceri poterunt. Et sic arbitror: sic etiam, si mea esset autoritas, statuer-

statuerem: ut Dialectica, Rhetorica, Mathematica, binis quotidie magistris annis duobus, hisce publicis auscultationibus explanentur. Hac etiā ratione horas satis nobis multas fore puto quotidie ad hæc conficienda: si, ut in classibus, bini in suo genere: separatis in locis sed iisdem horis doceant: distinctione tamen librorum atque ingeniorum facta, ut faciliora tradantur imbecillioribus: difficiliora peritioribus demonstrantur.

Vt enim unus Ethica Aristotelis annis duobus tota, ut oportet: aut etiam Physica: aut Dialecticum Organum unus doceat, fieri non potest: *ἐν τοῖς δυνάμει* officium nostrum uersatur: stultitia est *ἐν ἀδυνάμει* laborem instituere. Sed quoniam horarum satis etiam æstiuus dies suppeditare non possit: si quisque suam uelit sibi uacuam dari: cōmunicandæ quædam horæ binis aut ternis sunt. Cur enim Iurisconsulti duo ea hora qua docent Theologi: aliter

ter Institutiones, alter Pandectas non doceat: cur nō duo Mathematici hora prima: cur non secunda duo Ethici: & tertia Phisici duo: si, ut libri discriminati sunt difficultate & facilitate: ita etiā auditores distribuantur ingeniis atq; naturis: facultate atq; progressu studiorum: Vt enim non unus cibus ægroto & sano, neq; una esca puero & uiro cōuenit: ita etiam una docendi ratio, non potest doctioribus atq; indoctioribus aggregari In campo Martio, alii magistri tyronum, alii ueteranorum, alii gladiatorum & pugilum, alii equestrium ludorum, & natationes habebant suos præmonstratores: & sæpius unō die omnes, quā diuersis singuli. Quod in rebus leuioribus fit: id nō uel queat, uel debeat in difficilioribus retineri: Hæc officiorum coniunctio, & horarū separatio: primū efficeret, ut biennio quisq; suum munus consummaret: deinde cōfusio ingeniorum uitaretur, & docti ab indoctis, aut minus eruditi ab

E

eruditioribus segregarentur. Tum etiam facilior erit animaduersio uiciorum: quæ corrigi necessum est: & uirtus suas audiret quotidie laudes: & disciplina non minor esset publicarum scholarum: quam in classibus est: quæ nunc publice dissoluta est: confusa quadam petulantia, atque licentia: non solum intermissis: sed sæpe omissis auscultationibus necessariis, magno cum contemptu magistrorum: & ipsorum discipulorum pernicie. denique aptius ageretur cum studiis si quisque sua & suos, & sua ratione bona traderet. Quanquam non nego, posse etiam horis separari eiusdem doctrinæ professores, & minores Physici: cum Ethico maiore coniungi: & inferiores Ethici, cum superiore Physico diei hora copulari: ut utriusque qui diligentiores sunt: ambos audire queant. Sed ita ut non indoctiores doctioribus immisceantur, & seueritas retineatur ordinis atque disciplinæ. Hæc habui mihi Bloti quæ ubi de horarum descriptione

ne exponerem: cū quod de ea re priuatim collocuti sumus: tum quia tu qui Iurisconsultus es: facillè potes animaduertere.

Iustinianus enim uester Imperator & legislator: omnem Iurisprudentiæ doctrinam & cognitionem descripsit: Iustinianeis, & Pandectariis siue Prætoriiis, & Papinianistis, & Lysis, & Prolytis: quinque generibus non solum discipulorum sed etiam professorum. Et uelim Bibliorum etiam explicationes hoc modo distribui: & Euangelistas ab Apostolis: & Pentateuchum ab Historicis & Propheticiis separari. & certis omnem hanc uarietatem distribui: ut magistris sic etiam discipulis. Vt enim nunc legunt: & superioribus multis annis docuerunt: longè fuerunt magis industrii ante Troiam Græci: qui ea decimo tandem anno sunt potiti. quæ quæso est quæ Academiæ quæ istud uel tribus Iustris faciat aut effecerit? Sed uos magis industrii:

E ii

præsertim Tolosates qui tertio anno
 ura omnia percurrunt. Biturigibus do-
 ctiores sunt uelociiores: nam biennio
 ad metam perueniunt: sed nescio an
 laudabilius quàm Tolosates: Parisienses
 testimonia dant in suis decretis quinque
 annorum: quæ singulis annis à discipu-
 lis non negliguntur: sed auditorē adhuc
 nullū audiui, qui queat dicere hæc om-
 nia intra id tempus in scholis decreto-
 rum fuisse tradita & exposita. Sed Aure-
 lianos amo, qui quatuor annos præscri-
 bunt, & iisdem quinquennalem labo-
 rem Iustiniani consummant. Non tem-
 poribus ista æstimanda sunt, sed rebus
 ad quas tempora debent applicari: ut
 suis quæque res, & in rebus explicandis
 sua quæque officia suis temporibus perfici-
 antur. Poëta uituperatur ab Aristote-
 le, qui fabulam unius diei sole proli-
 xiolem facit: & Histrio reprehenditur,
 qui de cursu solis tragœdiā bonam non
 potest peragere. Quod necessarium in
 fabulis est: cur id in ueris rebus, id quæ
 grauissimis non requiratur? Vale.

IONAE BITNERO.



ETSI DOLVI IMPEDITAS
fuisse successiones classi-
cas: tamē utile fateri cogor
te in hac curia detineri. Nā
quoniam Grammatica ad
te utriusq; linguæ præcepta adferunt
adolescentes discipuli tui: oportet ali-
quem huic quartæ tribui præfici: qui
inde à pueritia in nostris scholis educa-
tus sit: & annos aliquot præfuerit edu-
cationi puerili. cuiusmodi tu es, atque
Golius noster: quorum uterq; inde à
quadragésimo octavo anno usque ad
hoc tempus docet utiliter. Hæc uerò
curia quam tu ducis, opus habet: ut nō
solū Oratores audiat: uerum etiam
Poëtas atq; Historicos, & ut instruatur
omni apparatu uerborum, & uerborū
copiam non solū congestam, sed eti-
am digestam habeat: ut Oratorum uo-
cabula & Poëtarum distincta sint: &
in medio posita, uideant Historicorū
propria uerba & eorum inter se disci-

E iii

rina, & potestates uarias. Nam huic
tudino & te & Iunium in tertia curia o-
portet incumbere : ut ad superiores
duas curias sermonem purum & per-
spicuum secum queant apportare : &
armati esse contra barbariem : quæ irre-
pere solet sæpenumero ex barbaris
commentariis, & deprauata consuetu-
dine aliquorum qui docent : qui sapi-
entiam dicunt esse, loqui barbarè : &
περαγματικὸς potius ρηματιστὴς sequi :
quam primos scriptores artium : qui-
bus magis placet Thomas Aquinas,
quàm Aristoteles : Scotus quàm La-
stantius aut Hieronymus : Bartholus
& Baldus quàm Scæuola aut Iustinia-
nus : Auerrois & Auicennæ uoces,
quàm Hippocratis aut Galeni : quæ in
Academiis in auribus auditorum è
faucibus magistrorum personant. usq;
adeò ut in Italia etiam negligi incipi-
at eloquentia : & ad paucos reduca-
tur. Inquinata enim lingua latina est
interpretum uitiis, & impuritas pro or-
natu

natu colitur; & barbariem Ethici & Iurisconsulti pro prudentia: Physici pro ueritate: Medici pro usu: Theologi pro pietate habent. His malis uobis in hisce curiis occurrendum est: tibi præsertim & Iunio: ut à uobis adiuti: discipulos in ueterum Academicorum & Peripateticorum spaciis retineamus: quæ inter illos Græciæ puritatis, & ornatus, & copię, & amplitudinis fonticulos & riuulos, & flumina fiebant: à quibus stagna putida, & loca palustria, & insalubria procul remota erant: nos uerò cogimur hoc deprauato iudicio: & corruptela consuetudinis ueteris, in luto consistere: nulla re alia quàm corporis uestitus elegantes: impura lingua, & barbaro uerborum sono.

Huic etiam nostro instituto: actiones tuæ Comicæ & Tragicæ conuenient. Sunt enim hæ exercitationes pro quotidiana cōsuetudine sermonis latini imò firmiores quàm quotidianus e-

E iiii

rat Romanorum & Atheniensium sermo. & diutius théatra & scenę: quàm forum atq; iudicia, laudes conseruarūt eloquentiæ. Tria uolumina etiam Musica tibi commendo: quæ digesta sunt à Dauide Nepheleta: ut Dasypodio nostro, quemadmodum in actionibus scenicis: sic etiam in exercitatione Musicæ adsis: ut non Musas habeamus silētes: sed Camœnas nos colere canentes atq; amœnas uideamur. Odi enim ut barbariem, ita etiam tristitiam in scholis nostris, & nihil magis studia confirmat atque exornat quàm hilaritas. Et credo uultus obscuritatem Palladi in Paridís obfuisse iudicio: & spre tam Iunonem in eodem arbitrio propter oculorum mœrorem, quem Zeſlotypia accersuerat.

AD

AD CONVENTVM

EXTRAORDINARIVM.



VDIO VOS ERYTHRAEO
 permisisse: ut rationem ali
 quam tradat conscriben-
 darum epistolarū. tamen
 si ista ratio illi officiat: qua
 iubemur alternatim nos duo artem di-
 cendi: & Oratores explicare: tamen
 non muto factum uestrum: & ut felix
 hæc res sit Academiae nostræ, opto, &
 Deum deprecor, ut quod instituit uti-
 liter perficiat. Disputationes uerò &
 declamationes in nimis longum tem-
 pus differuntur: quod factum non o-
 portuit. Et disputandi consuetudo nō
 difficilis erat ad constituendum: si ad
 confirmandum uetus illa Romanorum
 atq; Græcorū disciplina reuocaretur.
 Declamandi uerò exercitatio & in o-
 mnibus scholis & Academiis elangue-
 scit: & in nostris semper friguit, cuius
 incommodi duas uideo esse & fuisse

E v

causas: quarum prima est : quod natura difficile est , & iuuenibus scribere: & præceptoribus corrigere, quæ à discipulis sunt conscripta . Deinde quia multis ea commissa res fuit: ut pueros sibi deligerent: quorum eadem facultas non est omnium. Allatæ sunt sæpe in medium orationes : multum inter se dissimiles: non uirtutibus: id quod scholis nostris optabile esset: sed uitiiis iisq; barbaris, non natura solum ingeniorum singulorum: sed consuetudine multorum: quæ puritatem uerborum labefacit: sententiarum pondera negligit: ordinem contemnit: decorum non respicit: quod in omnibus eloquentiæ partibus retinendum est. Hac ratione factum est: ut neque ego, neque Seuenus, neque Erythræus, neque Hertelius, neque Reinhardus: huius malo remedium inuenerimus . Est etiam tertia causa, quod adolescentibus uel non emendata sunt uitia ab iis quibus commisserant: uel emendata negli-

negligenter: uel totæ orationes con-
scriptæ à præceptoribus: quo factum
est: ut nihil uel proprium discipulorū:
uel perfectum allatum sit. Quarta ue-
rò causa, omnes complectitur: & uitia
continet omnia. dum enim ueterum
Rhetorum, cū apud Romanos, tū
apud Græcos, consuetudinem & ami-
simus infelicitate maiorum: nec recu-
peramus negligētia nostra: necesse est
nos in hac parte in luto aut iacere, si ni-
hil conamur: aut hære, si eam non re-
uocamus integram exercitationem.

Quænam erat illa: præerat unus quo-
tidie hisce exercitationibus: qui idone-
os ad hanc facultatem eligebat: ineptos
excludebat: qui argumenta dabat quæ-
dam quæ subito tractari poterant: quæ-
dam quæ meditationem paucarū hora-
rū requirebant: nonnulla etiam quæ
aliquorum dierum confectionem fla-
gitabant. Voco autē argumenta *ὑποθέ-
σεις*, hoc est, causas ipsas: quarum indi-
cabat locos & locorū præcipua argu-
mēta: & eorū collocaiones per omnes

causæ partes. Sed ad hanc facultatem non uolabant: uerùm gradibus perueniebant: quorum unus aliquis si interfcindatur: graues solent casus infantiae subsequi. Non autem omnia premasticabat, sed præcipua, & præscribebat, quæ in discipulorum esset officio, domi agere & elaborare: & inde in scholas afferre declamantum. Comparata uerò facultate aliqua: & firmatis uiribus declamatorum, coronam admittere eorum qui audirent: & iudicium atq; censores ad suum tribunal aduocabat: qui tanquã res ageretur seria: ita de facultate declamantis iudicium faciebant: & honoris erat inter eos, qui dicebant, magna contentio. Vbi hunc inueniemus: dicetis fortassis: aut unde illum euocabimus? Quærẽdus est: si uolumus efficere: quod à nobis expectatur, & quærendus uobis quauis mercede, præsertim primis duobus annis, intra quod tempus: si rectè hæc instituetur exercitatio, nõ defuturi sunt in Aca-

ca=